

金

高太史大全集卷之六

吳郡高啓季迪著

南州徐庸用理編

五言古詩

賦得貞娘墓送蟾上人之虎丘

色相終壞滅佳人出處妍
斷碑山寺裏小冢竹林邊

蘭葉春風帶苔花
金情留吳苑客夢逐楚臺仙

高僧方宴坐身在散花天

友竹軒

在人務結託車馬紛友馳
言笑雖強歡衷懷詎相知
中林有君子淡然夙與期
虛心兩無阻榮悴焉可移

朝尋披烟迳暮對寒風帷非君此為偶誰共歲晏時
遷婁江寓館

寓形百年內行止固無端我生甫三九東西宜未闌
去年宅山陲今年徒江干野性崇儉陋經營唯苟完
閒窓俯平疇幽扉臨遠湍豈忘大厦屋弗稱非所安
披榛始來茲霜露淒以寒誰云遠親愛弟子相與歡
室中有名酒歲暮聊盤桓

雪夜懷周著作

燈照竹林雪寢齋寒更空窓間成獨坐遙想故人同
不有孤吟興寧度此宵中

登西城門

登城望神州風塵暗淮楚江山帶暉暉烽火接樓櫓
并吞何時休百骨易寸土向來未忝地雨露長榛莽
不見征戰場那知邊人苦馬驚西風笳鳥散落日鼓
鳴、城下水流恨自今古

期家兄宿東湖民家不至

東湖欲上月寒鳥已棲煙何處相期宿柴門汀樹邊
未嘗新漉酒猶望遠來舡誰信姜肱被今宵還獨眠

送陶兵曹之越

高齋掩林雪獨卧玄景暮夫君定何聞此日勞我顧
清言一歡然孰云昧平素方期締深約幽抱終以布
胡為遽嚴裝明發首東路手持三公檄新辟當遠赴

薄祿豈足羈知君為親故况茲句踐邦山水夙所慕
湖明夕棹來谷迥寒鍾度留滯自成悲無回共遊騫
豐城余君夢彩堂

楚客身未歸悠悠念庭闈溥江雖云廣莫阻魂夜飛
秋陰天無星猿叫桐樹稀家山倏已到不失舊路微
宛然上高堂獻笑試舞衣焉知空館曙鍾動殘燈輝
難追夢中歡益發覺後唏誰能傳爾翼遠去成相依

過東氏廢園

人間樂事變池上高臺傾歌堂杏梁壞射圃菜畦成
不見妓釵影詎聞賓履聲來斯欲摠抱念昔反傷情

送倪雅

交游結深歡離別生遠念聊持毛子檄暫脫劉生劍
南風柳下亭杯動江色灩山遙馬望驛日落蟬鳴店
此去漸成名驅馳君勿厭

同徐山人賁過妙蓮佛舍訪王主簿

逸人如高僧傲吏同隱尉閑房對清夏共挹池荷氣
烟帷抽鶴馴風鐸驚禽畏明日雨還來山櫻當孰未

題帶經漂麥二圖

朝鋤東臯上暮鋤西陂側釋來讀遺經欣然此休息
回觀弄稷事耕稼寧辭力

田中刈麥罷把卷忘其疲風雨忽云至千穗漂無遺
於書苟有得歲晏何憂飢

秋日山中

山澤含霧雨偶來若屋夷我無遠遊志何與親愛離
暑退初可喜秋來轉堪悲壯頽豈草木憔悴同此時
中心與百憂日暮如有期悄：出空宇悠：適荒陂
阮窮勿復歎天欲昌吾詩

宿幻住樓雲堂

窻白鳥聲曉殘鍾度溪水此時幽夢迴獨在空山裏
松岩留佛燈菜地響僧履余心方正寐無使羣動起

送賈鳳進士

新逢洛陽客握手共遊般如何異鄉士乃得此交歡
相逢既不易相違亦良難驅馬夕云返北風野多寒

登高望山川浮雲香漫：群獸相號呼哀音摧心肝
遊子念高堂歲晚身得安人生如蓬萍飄流無定端
重合諒有日長歌聊自寬

寄王七孝廉乞猫

鼠類固甚繁家有偏狹猶厭質亦陋繳明聚工造怪
舞庭欲呈妖憑社期免敗饑同善飯頗暴比橫行噲
倉偷自託肥穴竄寧辭隘唯思淮南舉不悟河東戒
嗟余守窮僻有屋如弊廡公然肆相欺遠告來別界
嗶：鳴橐頻宰：緣幙快伺暗忌燈然聞腥喜食錫
空牀印凝塵高壁隕墮塊核遺槃果亡汁覆髮蓬蓬壞
轟霆駭怒鬪急雨疑流鼠書殘費補粧袒澁煩烘臙

秋日山中

山澤含霧雨偶來若居夷我無遠遊志何與親愛離
暑退初可喜秋來轉堪悲壯頽豈草木憔悴同此時
中心與百憂日暮如有期悄悄出空宇悠悠適荒陂
阮窮勿復歎天欲昌吾詩

宿幻住樓雲堂

窓白鳥聲曉殘鍾度溪水此時幽夢迴獨在空山裏
松岩留佛燈菜地響僧履余心方正寂無使羣動起

送賈鳳進士

新逢洛陽客握手共遊般如何異鄉士乃得此文歡
相逢既不易相違亦良難驅馬夕云返北風野多寒

登高望山川浮雲香漫漫群獸相號呼哀音摧心肝
遊子念高堂歲晚身得安人生如蓬萍飄流無定端
重合諒有日長歌聊自寬

寄王七孝廉乞猫

鼠類固甚繁家有偏狹猶厭質亦陋微明聚工造怪
舞庭欲呈妖憑社期免敗饑同善飯頗暴比橫行噲
倉偷自託肥穴窺寧諱隘唯思淮南舉不悟河東戒
嗟余守窮僻有屋如弊廡公然肆相欺遠告來別界
嗶嗶鳴橐頻窣緣幙快伺暗忌燈然聞腥喜食謁
空牀印凝塵高壁墮塊核遺槃果亡汁覆髮藪墜
轟霆駭怒鬪急雨疑流鼠書殘費補粧袒澁煩烘臛

入厠客驚吁守舍奴憂誠豈無老烏圓昔壯今何邁
不修司捕職垂頭象瘖贖難求許邁符莫且張湯掾
尋蹊漫設機薰隧徒吹鞴遂令不眠入中夜長抑意
君家產街蟬許贈不以賣願得縱驅擒淨名刈管前
盡殺豈匪仁去害容少懈高枕幸無苦君惠當再拜

送客之海上得誠字

卧廐困田子挹關老侯生豈無一時辱終有千載名
子亦屈身者薄祿非所榮結驪誰云淺一杯吐衷誠
艱難我何託所託在交朋平生不傷離此離骨為驚
白日川上沒歌作變徵聲明朝欲觀海浩蕩逐東征
冬至夜聖懷周記室

夜聞驚鴻來一室寒且靜明朝日長至夜漏方窸永
凄々霜塗堦皎々冰入井故人昔同宿杯酒共相領
年運方重周歡事忽盡屏別離孰無有爾獨限殊境
達曙恨難裁殘燈兀孤影

賦永上人紙帳

刻藤裁素幬坐使諸塵隔冬室自生溫寒窓屢驚鳥
不隨直省被長覆樓禪簣思曾雪夜時宿伴山中客
初開北窓晚酌時寓江上外舅周隱君宅

春暄罷淒風朝始開北牖青山入吾座不異延故友
自掃榻上塵琴冊列左右悠然坐其間傲兀醉杯酒
况當江花落微雨斜日後遠見帆度川高聞鳥鳴柳

孰云非吾廬居止亦可久人生處一席累榭復何有
幽懷悟澹泊末事絳紛揉更擬長夏眠夙期結陶叟
夏日與高廉遊無量佛院還憇王隱君池上
久卧困炎燠煩抱思一浣霽雨留暫涼言出欣子伴
悠々去景得梢々來迹斷已尋名僧廬復謁高士館
蒲荷共南風池上新葉滿步陰覺衣輕汲冷嫵綆短
幸無塵中役樂此林下款鳴蜩嘒斜陽歸駕猶可緩

曉起春望

今朝有春意原野晴始綠踈花未破烟新禽稍鳴旭
物情各欣榮客意胡刺促屋間厭寐寔從仕愁羈束
兩事不可齊人生苦難足安得長放歌花開酒醅熟

陳氏秋容軒

西郊莽迤邐川樹疑煙景雨過落紅蕖斜陽半江冷
蟬鳴山欲暗鷹去天逾永孤客對蕭條應嗟鏡中影

瞻木軒

道士李玄脩所居庭有凌霄花依樹而生
近樹伐而凌霄獨存因以名室求予賦詩
凌霄託高樹引蔓日已長纏綿共春榮幽花謁敷芳
高樹忽見伐無依向風霜亭々還自持柔姿喜能強
君子貴獨立倚附非端良覽物成感歎為君賦新章

雨中遣興

積雨坐無悶端由便寐寔好鳥不頻啼閑花最遲落

行園每度徑望岫時登閣只此可終期何當有樽酌

題方厓師聽秋軒

西澗獨趺處涼飈度虛閣秋從夜深來流音滿林壑
初鳴忽澎湃稍定還蕭索月下暗禽翻窻間危葉落
上人習靜定談籟笑南郭喧寂兩無聞星河在寥廓
與內兄周思齊思義同過僧浩西齋夜酌

雨過月在花疎鍾閉禪舍幽僧與逸人對酌明燈下
園樹稍穉春池蛙正鳴夜嘉會莫蹉跎流年易傾謝

萱草

不見堂上親空樹堂下草夏來風雨繁離披數叢老
日暮欲忘憂塞芳轉傷抱

月林清影

疎林逗明月散亂成清影流藻舞波寒驚蚪翔壑冷
雲柔稍欲翳風動絲難整圓魄忽西傾愁看墮壑境

春草堂

靡々堂廡草託根近華楹膏霞既灑芳惠風亦揚馨
匪蒙陽和力孰使微物榮中天駛景流青節坐易盈
但憂德澤違豈惜憔悴并願言相蔓結遮彼春逝程
寸心雖難報拔去還當生

次韻內弟周思敬秋夜同飲白蓮寺池上

月出露已白荷花香滿池高僧夢清夜留客坐題詩
竹動鳥驚夢草涼蟲語悲閑齋一瓢酒應不負幽期

聞鍾

迢迢烟際散隱隱岩中應初來覺寺遙不歇看山瞑
惆悵未眠人空齋幾迴聽

詠雨酬張進士羽見寄

珠碎復絲輕颺迴乍拂楹望中來曉峽愁裏度秋城
莎濕蛩應冷荷響鷓還驚聽絃知瑟潤卧簟覺禕清
一覽停雲句離抱轉難平

徐隱君陋居

脩途息往駕環堵老所依蕭條窮巷中故人亦來稀
交々風雨侵翳々蓬葺圍局促不苟厭暫出復來歸
名都列飛甍煥燿朝日輝爽塏豈不慕終憂蹈危機
心舒體自適道在願無違茲焉樂飲水回賢良可希

西園曉霽

積雨淹夏半始晴園景饒高林上初日遠水泛迴颺
餘情萱際蝶新響樹間蛩詎必勞觴詠煩憂坐已銷

題畫簷得嘯字

高風動古壁竦立見蒼鷄軒然欲飛揚嗟此粉墨妙
秋筋束老骨天寒勢逾矯腦枯草中兔氣盡樞上驃
健鷗雖百餘凡材豈同調乾坤正肅殺怒氣彌萬竅
天野開平蕪悲臺落殘照荒城有妖狐夜作猛虎嘯
為君試一擊壯士慙勇剽安能飽拳肉側翅隨年少

哭王隅

車行一輪摧鳥奮一翼傷人生失輔友誰當共提將
相逢豈無人不獲如子良朝遊群芳林夕棄萬鬼鄉
春風吹南原百草萋以長呼君不歸魂割我欲斷腸
豈不悟生滅情至諒難忘

池上晚

春晚思悠々閣前池水流新蒲風柔響如對野塘秋
野塘前歲路已隔歸舟度鳥下獨回頭青山杳然暮

醉歸夜醒聞雨

覺來聞雨聲燈輝耿殘夜窓間有危葉暗助瀟々下
不記醉歸時寢齋如客舍

夏夜起行西園

夜熱不能寐起步中庭前舉頭望高旻離々衆星墜
欲推理亂象天道幽且玄長歌來涼飈驚鳥北林顛
此時層城閉悄悄萬室眠誰復相与娛淡月孤光懸

師子林池上觀魚

穿蒲尾獨掉唼鱗口群仰波平沒見痕池靜跳聞響
漁叟已免捕僧盂每分養落日意無驚識我臨流賞
和張羽懷吳興舊遊之作效其體

城貫綠川長朱閣映飛梁鶯嬌山唱度蓮豔水嬉張
花童擲翠管柔婦挈銀筐若溪酒脂碧顏渚茗旗香
擇勝事未厭驚亂意俄傷回看舊遊地秋草變淒涼
送沈徵士鉉歸海上

我友張國士短若婁君卿家無一金產所結皆豪英
去年東方來向我道爾名相逢真甚都座客為之傾
高標華月出雄辯流雲崩時方尚推謀處士皆振纓
諸侯致幣聘公子將車迎爾獨念公洲扁舟問歸程
翩公冥飛鴻影過海上城儻見魯連子殷勤煩寄聲

重午書事

采蒲臨綠波團扇送涼過越客爭標渡荆巫弭節歌
家醕憐浮玉宮衣憶賜羅今年兵氣惡朱符佩更多

東白軒

昔宿東峰顛長夜何曼曼起看玄景晦冰雪積未泮
翻驚濤瀾黝黝失星漢悲風吹木石澎湃而凌亂

太陽淪朱光陰火吐未煥山精与罔象乘暗出遊翫
前岩挂猴梁後嶺起鴉鶴一時互號叫哀厲客腸斷
芒芒禹九州下視莫能判如身墮幽都涉水濟無畔
金烏在地底其出疑可喚雄鷄栖高樹凍噤不振翰
君家有層軒不異泰山觀扶桑拂簷楹指尺海東岬
酒醒四鼓發暘谷已昇半紛紛物象出稍稍涼暄換
如盲得復明毫末皆可看山中舊雨聞寂默應屏窺
何當此借榻夙興不待盥共宿羲和車一觀天下旦

賦得姑蘇臺送賈文學士

城上聞啼鴉臺前見遊鹿悠悠畫簾影薄莫莫澄潭曲
雲隨歌舞散日与興亡促美人不歸來湖水春更綠

思君別後登應盡天涯目

聞晚鶯時在圍城中

昨歲聞孤嘯綠陰山院行今朝寢齋雨重聽獨含情
西澗多喬木何為亦到城

西齋池上三詠

葵花

豔發朱光裏翫依綠蔭邊夕同山舞落午並海榴燃
幽馥流珍簞鮮輝照藻迤群芳已謝賞孤植轉成怜

荷葉

楚服新裁得吳箬舊製成圓應間行柔密欲翳蓮茎
聲中亂雨至陰下一魚行桂棹還思折江南日暮情

桐樹

晴彩朝英墜涼瓊夏葉舒鳥啼高樹早蟾轉薄疏虛
朱弦未薦曲彤管屢題詩坐恐銷華澤商吹起前除

遊城西得艷字

軍旗表山柵商鼓喚津店稻黃雲有香楓赤火無焰
賞懷誓飯償睇目擬窮占思畋已繁昭欲賦更橫塹
煙開象極泮波溢類洪墊壞宮茨被垣棄壘封漫塹
晨唳鷓鴻多秋腥鮪蟹贍吼鯨報僧粥卧獸衛官空
揖道訛語談映籬陋粧覘池開沐女盆石技鬪夫劍
竿危開鈴響紗古幕灯艷時艱遊摠稀歲稔醅饒醖
探囊出奇蒐抨弩脫浮念一覽一興嗟再到再忘虧

吟將嘯後聲歸用棲鶻驗壑虛哀商叩嶺豁初魄閃
宵々聽鳴鍾翻々戎還鞞興清逼林宴醉纈眩湖灑
顧標山已違入郭塵復染幽景憲遂通拙詞紀姑偕

卞將軍墓

胡馬飲洛川皇輿寓江左宰輔失良圖國門屢與禍
惡木不可植猛獸終難馴冠軍應陽來白日飛黃塵
兵叩西陵関火焚大桁口帛旅方敗奔六宮竟誰守
卞公仗戎鉞勇氣超常倫立朝素正色臨難仍指身
落白百戰餘累創領殘卒父子誓除兇一朝共淪歿
當年尚浮虛風俗變縉紳誰知効節者不在清談人
石頭義旗乘天狼夜流血冊贈極哀榮千秋表忠烈

六朝卿相冢無數青山根至今行人過但拜將軍墳
馬鬣封未平龍泉氣猶發惆悵望松楸一杯奠寒月

綠水園宴集

平居真良會艱哉况茲時幸逢金閨英中筵接光儀
名園過脩榭景麗春陽熙綠芷禁曲沼朱華敷廣墀
情宣寄高文憂襟為之披觴來不敢訴慮此朋讐虧
何以淹返旆顏光願遲々

答宋南宮見寄時寓江上

樓寓豈高遁偶家南渚濱雖欣遠物累終悲寡交親
擘舟近入郭言欲訪故人叩門子不在思懷竟難伸
歸來掩蓬廬幽卧屬始春風暄柳意動雪霽禽聲新

孤遊時芳物尊酌孰与陳念昔文翰場弱蹤繼清塵
鳴絃東閣夜飛蓋西園晨茲歡与年徂惟悴兩未振
朝蒙枉瓊藻慰我佇慕勤深情寄妍詞不殊握中珍
屈屯在守志養素豈辭貧裁章以少答此道願無淪

夢梅室

寢齋掩殘雪幽幔燈微皎不知南澗濱魂与春縈繞
初迷月入樹忽斷風驚篠餘馥悵難尋空山鶴鳴曉

送程校理遊江上

風亭裊離管草綠江水暮送此南浦人孤帆雨中渡
別腸足自緩前驛花滿路春釐戀山鷺晚絮迷汀鷺
共今獨愁屋芳月誰与度佇立望遙波相思積烟霧

僧齋聞雨

寐了初罷語悠悠未成眠高齋有春雨夜半落燈前
已傷花委樹復念水盈田老衲獨無聽繩床方坐禪

送劉使君

去年送史君路遠已海湄今年送史君路遠復過之
路遠豈足言人遠自可悲夕宴鮮共懽晝出乏並馳
君懷孰可語予過疇能規此行剖竹符東方撫博藝
王事正靡盬奚暇及爾私但令中弗遷庶以慰所思

送周將軍請老歸耕

鞍馬息戎役筋力喜尚全買牛西岡垂聊復治廢田
零雨何濛濛決流亦涓涓良苗及時新人情一欣然

甘此耕耘勞忘彼富貴妍心同老農夫閔望有年
家廩僅得高尚願輸資邊

夜登南樓觀月

迢迢海上樓月出常先見吐嶺下分規臨波已澄練
蒼茫城闕閉歷落星河轉毋違中夜歡皓景應難戀

西臺慟哭詩

越人謝翱嘗為宋丞相文山公之客公死
之十二年登釣臺祭公以哭自為文識其
哀曰西臺慟哭記東陽張兼持示求詩僕
感其誼遂賦一首

我子陵臺其下大江奔何人此登高慟哭白日昏

哀哉宋遺臣舊客丞相門丞相既死節有身耻空存
北望萬里天再拜奠酒尊陰雲暮飛來恍如載忠竟
所哭豈窮途中抱千古冤上悲宗周隕下念國士恩
淒涼當在事感慨平生言空山誰知哀惟有猴与猿
豈不畏衆驚聲發不忍吞人言天有耳此哭寧不聞
願因長風還吹此血淚痕往墮燕山隅一灑宿草根
田橫去已遠茲道不復論作歌悼往事庶使薄俗敦
見耕者

茲晨有佳興挈杖行遠墟春犁稍已出土脉向暖舒
嚶嚶鳥轉谷瀏瀏泉鳴渠歲功自茲始為農亦良劬
而我惰四體偃息在弊庐飢賈困當爾無為歎踟蹰

雨中書湖上漁家壁

漁舍煙不起，蕭蕭雨初暝。孤客與群鷗，寒依葦間聽。
山昏望易失，波動愁難定。歸思滿蒼茫，空憐去帆迥。

同杜二進士晚登潘氏樓

靄々川樹暝，夕陽忽然收。林間一鍾來，隴上衆采休。
維榜漁石邊，尋我棲寓儔。本期散憂懷，携手登此樓。
邴知見遠色，蒼茫轉成愁。幸茲有尊酌，雖晚為君留。

送家兄西遷

昔別歸有期，此別去何極。西遷屬事變，咎責非已得。
家貧無行資，空橐辭故國。念々逐徒旅，宛々謝親識。
牽攀不能留，慟哭野水側。離鴻為翅翔，浮雲暮愁色。

別時雖云苦，未若別後憶。願行勿憂家，養親自我職。
殊方氣候異，炎霧秋未息。委命毋怨尤，長年強飡食。

至蓮村

昔夢茲里幽，誓將構蓬戶。孰云墮世網，重到十載餘。
喪亂喜獨完，烟火靄舊墟。柴門在深巷，落日榆柳疎。
隣翁念契闊，携筐饋雙魚。苦問客何事，顏色與昔殊。
焉知涉艱難，多戚長少娛。貧賤非所恥，中情在間屋。
願翁勿相諠，終當遂吾初。

雨中登白蓮閣望故園

亭々高閣上，渺々清川曲。日暮靄靄愁，離衡雨中綠。
聞鐘僧已返，荷笠人猶牧。歸棹獨難尋，江南望雲木。

尋照公

遠尋林下僧不識林下路隔雲孤
相對竟忘言夕陽在祇樹

江上過了枝書宅留飲

迂擢入浦汭言尋故人扉鷄鳴村樹相寒旭景尚微
子起罷理髮相延關中闈雅詞既云宣濁醪亦以揮
幸茲竟日歡一浣積愆非尚慙有羈牽暫會復遠違
臨流送我還迴風夕吹衣亂來人情改高誼似子希
儻不終憚煩卜隣遂相依

遊靈石賦得越來溪

越女遊未去越兵嗟已來青山舊溪上無復見樓臺

遊客空惆悵荷花秋自開

立春前一日喜雪

一冬纔見瑞三白詎須頻未嫌遲送臈唯憐預占春
積砌猶殘凍粧苑已芳辰留更明朝落梅花欲鬪新

移家江上別城東故居

人情戀故鄉誰樂遠為客我行豈得已實為喪亂迫
悽々頽丘隴悄悄別親戚不去畏憂虞欲去念離隔
雖有妻子從我恨終不釋出門未忍發惆悵至日夕

雨中客僧舍

客夢方暫適竹間風雨驚鳥起登林端閣迢遙望層城
景寒川樹踈野晦原烟平不邀釋子語何以緩羈情

見花憶亡女書

中女我所憐六歲自抱持懷中看哺果膝上教誦詩
晨起學姊粧鏡臺強臨窺稍知夢羅綺家貧未能為
嗟我久失意雨雪走路岐暮歸見歡迎憂懷每成怡
如何屬疾朝復值事變時聞驚遽沉殞藥餌不得施
倉黃具薄棺哭送向遠陂茫茫已難尋惻惻猶苦悲
却思去年春花開舊園池牽我樹下行令我折好枝
今年花復開客居遠江湄家全爾獨歿看花淚空垂
一觴不自慰夕幔風淒其

東陂路上阻水

不覺去村遠蕭蕭柳間步江雨夜來多春流稍侵路

寒裳自可涉不待漁舟渡

獨酌

白日下遠川寒風振高柯蕭條掩關臥暮雀忽已過
我有羈旅愁鬱如抱沉痾起坐呼清尊獨飲還獨歌
一斟解物累再酌迴天和數觴竟復醺翻恨愁無多
所以古達士但飲不顧它回頭向婦笑戚戚終如何

同杜徵士寅過南渚赴朱七文招

五月燕鷗飛絲成菜菜稀相逢捲羈旅白苧未縫衣
扁舟喜同載晚度滄洲外樹失潮氣昏沙喧雨聲大
將迷路却通窈窕復蒙寵果熟皆梅子禽啼盡郭公
兵戈苦未息莫歎猶為客此去醉誰家江邊主人宅

始聞夏蟬

翔、終得蛻咽；未成喧翳茶誰能見南風綠繞軒
乍驚變節物還念別郊園何待當秋聽方令羈思鑿
贈蘄苓者

山田不生苗零雨空溉之歲晏窮谷中何以療我飢
青、萬長松免絲絡其枝不知何樹下乃有千年脂
朝行西澗濱暮行東岡垂荷鋪偶遠樵言尋亦良疲
鑿彼土石間得此瓊瑤姿香因清飈發色藉玄泉茲
嘗讀炎帝編徵功實多奇天和滌煩滯靈味扶殘衰
詎必勞悲歌去采商頌芝歸來拾荆薪炊之作晨糜
八珍豈不美素食懼有嗤服斯待輕舉往与仙人期

我昔

我昔在家日有樂不自知及茲出門遊始復思往時
貧賤為客難寢食不獲宜異鄉寡儔侶僮僕相擁持
天性本至慵強使賦再馳敢言恐有忤蹈足慮近危
人生貴安逸壯遊亦奚為何當謝斯役歸守東岡破
將往海上舟行值雨投僧舍

沙響聞雨來中途生旅愁遙尋晚林磬暫駐寒塘舟
窓下一僧老竹間諸鳥幽誰言阻遠去翻使得佳游
暫歸鳴珂里舊宅

故瘡在東里久出喜偶旋景物亂後非行觀一悽然
荒榛塞園逕流塵蔽堂遙念茲經營初勤苦唯我先

蕪壞棄弗守，願已誠有愆。雖懷首丘願，未絕遊方緣。
是主乃如客，暫來靡留連。日暮復遠去，哀悵將何宣。

江上晚晴

江虹斷雨，脚返景明。墟里宿鳥亂歸，村幽人獨臨水。
漁舟隔浦，飯烟火廬中起。閒吟望遠，水緩步尋芳，正
此夕。遇新晴，憂懷偶然喜。

與王隱君宿寧真道館

松下禮真罷，鶴鳴暮壇空。偶來古仙居，欣與靜者同。
玄言不知還，遂宿琳館中。蒸菌沃芳露，焚蘭度微風。
山瓢瀉未盡，月出秋林東。語化衆妙歸，探元萬緣窮。
不與至道俱，何以超妄蒙。願泛希夷遊，稽首青牛翁。

送珪上人

曾來看江雨，同倚香臺上。師今西去，遙還上香臺。望
淮山暮鐘起，楚水春帆漾。米去本隨緣，分携莫惆悵。

冒雨暮歸過白沙湖

天寒蒲湖雨，獨棹東歸急。遙望水邊村，蕭條暮烟濕。
家人應候我，深暎柴局立。

送袁憲史由湖廣調福建

只謂遠游苦，寧知遠游樂。君今萬里歸，顏色殊不惡。
自言楚帆開，初別鳳凰臺。柔石月下過，匡廬天際來。
試沽彭澤酒，憔悴陶家柳。竄愛小姑妍，臨行復回首。
遠逐綉衣遊，間登黃鶴樓。千峰漢陽晚，一鷹洞庭秋。

西上荆門沿銀欵見巴女歌斷竹枝詞江陵夜風雨
看盡幾多山今朝始得還秋風吹驛騎又欲度關關
關關聞更好瘴霧晨收早椰子美如漿蘭花多似草
嗟余戀故鄉不肯涉津梁把酒看君去相思空斷腸

泛南溪二首

山折水暫旋山開水仍往東陂匯初成秋色彌然廣
碧蘿花茸月映石壁上此夕試泂泗一理煙中舫

又

清暉汎悠悠東與前溪合菱葉間荷花風來秋颯
久行愁寂境忽有人烟雜我欲裝棹謳漁師肯相答
宴顏史君東亭隔簾觀竹下舞妓

美人竹下舞醉看隔簾攏彷彿瑤臺子遊戲綠雲中
玉鈎正蕩月羅袖忽驚風莫逐青鸞去尊前樂未終

夢遊仙

夢騎蒼麒麟手持白玉鞭長風八萬里夜入通明天
正逢絳闕開謁帝陪群仙飄飄紫霞珮杳靄青霓旃
命与衛琳卿共讀金蕊篇玄文不可識謫歸一千年
驚寤忽長歎虛空但雲烟

獨遊白蓮寺池上看雨

輕衣忽變冷池雨來清夏圓文細生密響備下
荷披魚躍起樹靜禽鳴罷賞澹自忘還非日与僧話
贈薛相士 至辛丑嘉禾薛月鑑過予求詩因贈

我少喜功名，輕事勇且狂。顧影每自竒，磊落七尺長。
要將二三策，為君致時康。公卿可俯拾，豈數尚書郎。
回頭幾何年，突兀漸老蒼。始蓄竟無成，艱險嗟備嘗。
歸來省昨非，我耕婦自桑。擊木野田間，高歌誦虞唐。
薛生遠挈舟，訪我南渚旁。自言解相人，視子難久藏。
腦後骨已隆，眉間氣初黃。我起前謝生，弛弓懶復張。
請看近時人，躍馬富貴場。非才冒權寵，源吏竟披猖。
鼎食復鼎烹，主父共傷安。屋保常分為計，豈不良。
願生毋多言，妄念吾已忘。

高太史大全集卷之七

吳郡高啟季迪著

南州徐庸用理編

五言古詩

曉卧丁校書西軒

窓月澹欲失，曉日逼初曙。屋外鳥聲多，應知有嘉樹。
殘香掩幽寢，未事澄絲慮。頰似宿東岩，僧齋竹深處。
水上盥手

盥手愛春水，香手應綠沚。細浪起香，驚魚伏。
怡悵坐沙邊，流花去難掬。

贈漫客

畸人誠達生聲叟亦曠士漫客乃其徒
放意在雲水有山即漫遊有竹仍漫止
漫吟不求工漫飲不須羨與物無留情
所適皆漫尔人生本漫寄何事紛戚喜
與子作漫交逍遙論茲理

書睡甚適覺而有作

間居况懶拙盡日無營為掩室聊自眠
一榻委四肢向暄思益昏南窓痛晴曦
吾神誰能繫八表漫所之殷憂常苦繁
茲焉忽如遺有身不自省此外安得知
覺來隣雞鳴已過亭午時如遊釣天還
至樂不可追我意在有適寧頽朽木啞
猶勝李毗子塵中爭走馳

秋日端居

秋意日蕭索郊園霜露餘出遊無山水
聊復守吾廬巷轍久已斷山瓢仍屢虛
非甘寂寞者誰樂此間居

夢鍾離兩兄

淮水去不極淮山与偕馳鍾離兩僊客
路遠歸何期孰云歸無期此夕乃見之
握手說辛苦杯觴復同持須臾忽驚別
我夢方自知雖夢亦足喜况乃歸來時

雨中留徐七賁

江寒宿雨在落葉滿村濕留君繫君艇
莫犯風潮急試問欲歸城誰家借篔簹

看刈木

農工亦云勞此日始告成往獲安可後
相催及秋晴

父子俱在田札，鑪有聲黃雲漸收。盡曠望空郊平，日入負檐歸謳歌道中行。烏雀亦群喜下啄，飛且鳴。今年幸稍豐，私廩各已盈。如何有貧婦拾穗猶惇惇。

晚步遊褚家竹潭

落日猶半野，間來潭上遊。非曰戀幽賞，聊欲散煩憂。澄波魚鯨夕，荒竹鳥吟秋。不是愚溪上，胡為吾久留。召脩元史將赴

京師別內

承

詔趣嚴駕晨當赴，京師佳徵豈不榮。獨念與子辭，子自歸我家貧賤久共之。閨門霽情懼寵德，不以姿

天寒室仍罄，何忍遠去茲。

王明侍紬文不暇，顧我私念愧子勤。為我烹伏雌，携幼送我泣問我。旋軫時行路亦已遙，浮雲蔽川坻。宴安聖所戒，胡為守蓬茨。我志願禪

國有遂幸在斯，加飡待後晤，勿作惜々思。

早發土橋

空山遠無驛，逢旅聊可宿。懷征候鳴鷄，燃帶續我燭。僕夫昨行苦，爛熳睡正熟。呼之愧忽々，推車出茅屋。高岩尚懸斗，深谷未升旭。欲亟去，返遲怪石暗屢觸。思當在家樂日晏，始舒足胡為此行。邁霜露勞局促，王事靡非敢，諱非關徇微標。

車過八岡

上岡如登天下岡如決川勞我挽車夫呀喘當我前
兩轆闢欲摧土石厲且堅我行閱其憊時下息彼肩
雖非古羊腸實懼覆車顛如何道路子車來競連
白日已傾仄我行尚迴遭安得駕逸足平野起飛煙

寓天界寺雨中登西閣

片雲出鍾山陰滿江東曉幽人閣上寒風雨帝鷲以
紅塵禁陌淨綠樹層城繞不為怨春徂離懷自憂悄

送陳四秀才還吳

君是故鄉人同作它鄉住同來不同送惆悵臨分處
一把長干花回望長洲樹怨起憶家心愁題送君句

送聯書記東歸

旅寓古寺間得与名僧居時日簡牘暇共諦楞伽書
倚閣山暄後步廊月生初屢聞真詮妙一使霽懷舒
茲晨別同袍言旋舊精房飛雲自無滯愧我馬能如
東浦秋正遙西齋夜應虛傷離固知妄相送聊踟躕
送禮部傳侍郎赴浙西按察

聖主想賢哲夫君欬來東姓名簡

睿聰石對明廷中彷彿似其先夢寐相感通秉綸坐
兩掖曳履遊南宮復輟要近屋往試澄清功糾郡握
使節炎天凜霜風顧余謬珥筆言笑獲屢同無端此
分袂離抱何忡忡

對園柳

依、客園柳來時未堪折今看夏條長上有新蟬咽
芳序惜推遷佳人念離別秋風莫遽起旅思方騷屑
僕至得二女消息

我僕持尺書來自我故鄉讀書意未了呼僕問彼詳
云我兩小女別來稍已長大女手搽、窓前學縫裳
小女啼啞、走索瓜果嘗喜節有使歸迎門各踉蹌
我坐聽此言欲慰意反傷稍近尚爾思更遠何能忘

菊隣

菊本君子花幽姿可相親清秋發孤艷似避東風塵
來、霜露餘斂英正鮮新車馬不過賞相看幽人

幽人苦愛菊自是柴桑倫閑園誰與語梵我四為隣
一徑朝摘遠循籬暮觀頻一壺每對酌折花挿盈巾
殊厭麴俗里歌呼醉遭嗔

出城東見古松流水坐憇久之

空潭寒無藻瑩淨涵青天長松百餘株扶疎繞潭邊
我行值幽境坐賞忘歸旋清風似相娛西來忽潏然
水動松亦鳴紛披復淪漣群鷗盡驚矯疑是龍吟淵
微闌蕩餘暉流響散遠烟靜聽意已消何須撫徽絃
安得卜此居一謝塵中緣朝來潭上坐暮向松間眠
夜坐天界西軒

明月出東閣照我坐前軒諸僧夜已定寐寔與誰言

烟幔螢微度風條蟬罷喧清景雖堪悅終嗟非故園

京師嘗吳粳

新杭粳如玉遠漕來中吳初嘗憂精鑿想出官田租
我本東臯民少年習耕鋤霜天萬穗熟恣啄逆飢鳥
日暮刈獲歸妻孥共歡呼茅屋夜春急風雨江村孤
晨炊蒲家香薦以出網鱸如今幸蒙

息遨遊在

南都門前半區田別來想已蕪長季盜

寸廩補報一事無投匕忽歎息飽食慙農夫

為因師題松梢飛瀑齋

松風散飛瀑夜作濤聲急樓鶻起空山如驚鬼神入
定僧寐無聽任洒袈裟濕

送周四孝廉後酒醒夜聞廡聲

別時酒忽醒客去唯空舍風雪鴈聲來寒生石城夜
遙憶渡江舡正泊楓林下

畚內寄

落月入曉閨相思不須啼我非秋胡子君豈蘇秦妻
風送故鄉來吹詩達京縣讀之見君心寧徒見君面
拔草不易絕割水終難開行雲會有時飛下巫陽臺
莫信長安道花枝滿樓好白馬繫春風離愁坐將老

真氏女

余在史館日談次有言妣文公承旨翰林
時嘗飲玉堂有侍妓聞語者詢之乃真文

忠公裔孫也父為筦庫負縣官錢鬻之以償遂流于娼家公愍之白于執政落其籍以嫁院吏黃逮後至顯官同館之士聞之多賦詩者余亦為作一首

妾恨非緹縈上書動天子自鬻償縣官幸得脫父死誰知故相家失身屈狹斜遂令園中栢翻作道傍花當是唱金縷朔客驚聞語相問忽相怜開籠放鸚鵡棄置舞衣裳新理嫁時裝良人身作吏不是販茶商花釵映羅扇初與郎相見貴賤古難常妾心那敢怨願郎去作官莫掌官錢穀生子但生男家門免多辱

送李架閣赴山西行省

日暮踰大河北望古晉疆萬里饒風沙地接戎与羌翻々并州見躍馬能挽強古來事爭奪百戰在此場聖皇剴群雄撫劍定八荒瞻茲形勝都建侯樹藩方披榛開幙府寘治皆才良所期偃甲兵民物自此康山河罷阻險沃野多耕桑君行願努力遠別庸何傷

送王哲判官之上黨

群材萃京師有若奔海川盍簪向華館唯君竄韶季忍行佐名邦經理金匱編朝辭

紫闕下暮宿黃河壩馬上看太行日落萬里烟幾々天井關高城蔚相遠遺氓得少安時清罷戈鋌亟行勿憚遠

聖意煩承宣

登句容僧伽塔望茅山

高登大士塔遙望仙人峰茲峯夫何如玉削三芙蓉
雲深句曲樹日落華陽鐘長君昔飛昇駕挾雙白龍
至今學道處洞府留靈蹤丹泉夜吐光瑤草春含茸
仙應笑我愚塵世苟自容胡不鍊尔形歸來蔭長松
望仙指尺間不隔雲海重真訣儻肯授執鞭願相從

贈楊崇陽

嘉陵羨山水亦復富文彦揚君產其邦材拔性高狷
布衣走名都早入藝林選客屈稷下談王邀鄴中宴
出門得名聲不假親舊援匣劍未久埋囊鉗已先見

吐詞實現奇讀者心欲顛刀鳴鬪夫勇花妥夫女倩
如觀廣場中百戲張曼衍平生眼無人遇我獨相善
陌頭每並出兩騎無後先喜泛兔園遊慙受狗監薦
君歌我固服我賦君亦美墮造吟帽烏踏席舞裙西
醉中共笑語往々雜諧謔有時出城西山水恣攀踐
岩眠曙猿驚鷺澗飲夏鶯轉吳宮妓去榭蕭寺僧開殿
龍門剝陰苔高什記題徧歡遊正相酣世事忽驚變
朋儔半生死一往如激電我棹返江潯君車赴淮甸
旋聞逐流人屋濠又移汴一身去何賈空橐嗒破硯
危塗晚行疲欲進足如冒狼來樹杪避蝎走燈下見
渡河自撐篙水急舡斷牽及至秋已深舊褐風裂片

難尋高陽飲空弔鄆陵戰

聖恩忽加憐收拔佐山縣卑曹敢云辭執版謁府掾
官庖盡炊藜民賦半輸絹低飛蓬蒿間不異雉帶箭
有親寓京師年老闕供饌欲奉朝夕歡去職胡敢擅
晨上宰相書得歸遂微顛上堂具珍鮭呼婦賣釵釧
我時別君久問訊愧無便空題憶君詩細字書滿卷
今春被

詔起前史預編撰始來長干門楊柳正飛燕逢君風
塵餘不改舊顏面握手話苦辛悲喜雜慶唁客中雖
無錢自寫賒酒券邀來卧東閣月出初鎖院君言涉
艱難壯志今已倦回頭悟前非更名慕遠君近改

我聞崇谿金不畏經百鍊胡為斬日失路遽欲老貧賤
吾皇奮神武四海始安奠棧通諭夷文驛走徵士傳
時巡抗霓旌肆覲冠星弁功成萬瑞集禮欲議封禪
君才適時需正若當暑扇手持照國珠胸出補衮線
便應上金鑿立對被

天眷嗟余忝載筆鼠璞難自銜幸茲際昌辰魏闕寧
不戀但憂誤象
恩不稱終冒譴秋風楚潮滿歸舸帆欲轉君若念故
交殷勤一相餞

寺中早秋

秋風入寺早孤客驚雉索斜日數蟲懸槐花雨餘落

砧聲起廢苑，簾色淒高閣。獨冷明鏡中，玄髮猶如昨。

天界翫月

洪武二年八月十三日元史成中書表進
詔賜慕脩之士一十八人銀幣且引對
獎諭擢授庶職老病者則賜歸于鄉閭
二日中秋諸君以史事甫成而佳節適至

又樂

上賜之優渥而惜同局之將違也乃即所寓
天界佛寺之中庭置酒為翫月之賞分韻
賦詩以紀其事祗得衢字云

聖主念前賢述作徵名儒群來高館間廁跡愧我愚

孰謂此責輕毫端有褒誅書成進

丹陛名對共拜

趨去留雖不同雨露均沾濡已淹三時勞可廢一夕
娛况逢端正月當空照眉湏流光滿金界境與人間
殊廣庭布長筵嘉肴薦芳腴豈唯多士集亦有名僧
俱與酣貴形忘諧矣不復拘觴行豈辭勤仰看轉斗
樞明晨即分袂此樂誠湏臾人生四海間相見皆友
予不知誰使令流蕩無根株忽然此相遇旋復成天
隅願各崇令名逍遙步亨衢明年重見月相憶當長
吁

寄題鄞縣青山寺鍾秀樓

東湖秀可攬造化夙所聚聞有釋子居雲中構層宇

剎出辨遠岑帆迴識脩渚鳥外月上海虹邊樹含雨
願言此登眺去作逃禪侶西崦暮鐘時憑闌共僧語

曉出趨朝

正冠出門早香、鍾初歇嘶騎踏嚴霜驚鴉起殘月
逶迤度九陌窈窕瞻雙闕長卿本踈慢深愧陪朝謁

送顏式歸吳

顏君野王孫与我生共縣故鄉未曾識却在它鄉見
留連忽東還長揖袖詩卷自言吳中好稻熟湖蟹賤
欲卧烟雨舟醉讀三高傳余方謬通籍講帷近清殿
故園豈不懷

君恩正深戀遠欲謝鄉人殷勤附君便

御溝觀鷺

白雪泛金塘群翻動曙光危棲翹獨趾亂唼引脩吭
池中鷓可並廷內鷺難行自憐觀詠者江湖興未忘

夢姊

我家白頭姊遠在婁水曲昨夜夢見之千里地誰縮
不知別已久尚作別時哭覺來旅齋空風雪洒窓竹
田家有弟妹終歲喜相逐我非 王事縻胡忍離骨
肉城東先人瘞尚有書可讀何當乞身還親為姊煮
粥

谷定水寺芭公

日晏初出院間齋一蕭然忽枉名僧書始知在清泉

憶昔雲岩屋共締林中緣夏陰繞澗吟秋霽開閣眠
睽合苦難常別來歲頻迂趣同貴道在跡異慙名牽
明月出東海想照空山棹無回荷衣襍往禮高峰前

訓謝翰林留別

啓與同郡謝君徽同徵又同官翰林洪武
三年七月廿八日

上御闕樓石對擢啓戶部侍郎謝吏部郎中俱

以踰冒辭即蒙

俞允賜內帑白金放還于鄉

江左稱謝家奕葉多名人君今復秀發瓊枝邁風塵
願余忝鄉里才華敢論羨丹詔偶見徵雲羅歛同

起謁

帝入九關咫尺瞻

天顏遙茲謬通籍接武諸公間朝侍

青坊讀夜陪

玉堂宿講罷分

御羹吟成刻官燭出入在

兩宮與君無不同自慙本鷗鷺亦得隨鷓鴣朝禁

門下聽鷄共騎馬上國多故人情親似君寡並

命超列卿

寵極翻憂驚我叨掌國計君佐持銓衡

借辭向

明主叩

天聽

天語勅登內帑金東還特相許拜賜出

皇都人言似兩疏月明照宮錦同棹入中吳中故

鄉道雨歇秋光好青山度水迎喜我歸來早落日下
長洲分携忽解舟如何到家喜却有別君愁別君去
還迹只隔吳江水離思与秋長蘆花三十里來往片
帆通相期作釣翁高歌雖鄙野猶可贊

王肩

過白鶴溪

昨發白鷺洲今過白鶴溪
流幾回轉只在晉陵西
月出女猶浣雲深猿自啼
茅峰雖咫尺無計躡丹梯

至吳松江

江淨涵素空高帆漾天風
澄波三百里歸興与無窮
心期弄雲月迢遞辭

金闕晚色海霞銷秋芳渚蓮歇久別釣魚磯今朝始
拂衣忘機舊鷗鳥相見莫驚飛

始歸園田二首

絳秩還故里永言遂遐心
豈欲事高蹇屈崇自難任
清晨問田廬荒蹊尚能尋
秋虫語左右翳々桑麻深
別來幾何時舊竹已成林
父老喜我歸携榼來共斟
問知

天子聖歡然散頰襟
相期畢租稅歲暮同謳吟

白露蕪草木荒園掩窮秋
歸來一爰理始覺吾庐幽
高柳蔭巷踈清川映門流
落日望禾黍離々蒲西疇
乍歸意自欣榮杖類覽遊
名宦誠足貴畏承惧愆尤

早退非引年

皇恩未能酬相逢勿稱隱不是東陵侯

睡覺

爐熏霽宿潤秋蒲牀屏裏曙色透窓來幽人眠未起
風驚露樹怯日出烟禽喜却憶候東華朝衣寒似水
與王徵士訪李鍊師遂同過師林尋回公

玄館啓真境紺園闕清香茲晨兩地遊乍出囂煩鄉
鳥鳴桂花落澗戶秋風涼關士演金偈羽人薦瑤觴
亦有詞苑英清芬吐華章愧我自徵起束帶忝周行
山林久在念那期復來翔聯合固知妄去來亦何常
誰言道各異妙契宜相忘

雨夜宿東齋

砌冷一蛩急窓空諸業稀蕭條風雨夜幽卧掩牀幃
隣杵聽已歇齋燈看向微勿憂歲暮計聊食故山薇

效樂天

誰言我久賤明時已叨祿誰言我苦貧空倉尚餘粟
辟關是引退還鄉豈迂逐舊宅一架書荒園數蔬
菊俗緣任妻子家事煩僮僕性懶宜早閑何須暮年
促猶著朝士冠新裁野人服杯深午醉重被暖朝眠
孰勞人矣寐寔：吾所欲終老亦何求但惧無此
福功名如美味染指已云足何待厭飽餘腸胃生痰
毒請看留侯退遠勝主父族我師老子言知足故不

辱

新春飲王七孝廉家

江雨霽江郭寒姿變春華鳥欣已交音梅慘尚吐花
此時高堂上晨起獨感嗟歲換固有常時清樂無涯
蕭蕭風吹巾竹外度遠沙相過偶一醉今夕恰酒家

詠軒

肅肅布華榻冷々罷朱絃臨檻一流睇幽事忽滿前
池草方依微庭柯正葱芊偶爾發孤詠聊茲寫中悁
景融理自得詎辨媿与妍猶慙至妙意寂寞非言宣

施君眠雲堂君字可堂眠雲其號也

古弁一高士白雲与之儔性懶復好眠招雲宿林丘

下雲作簾席上雲作衾裯雲去稍舒膝雲來正蒙頭
平生無心夢与雲两悠悠自言眠雲樂亦無一可侔
浩然身欲飄若乘無倪舟朝至乎帝鄉夕返乎仙洲
寧知日月旋但竟乾坤浮天鷄叫不醒宵々空岩幽
我觀山川氣出入不可求或逐鸞鶴翔或逐蛟蛇游
或為風伯驅狼藉不得收或遭雨師怒奔走無能休
小生膚寸間大覆遍九州變化實多狀欲弄苦費籌
奈可一室中尔獨解使留我行塵務區願出久未由
舉足常防危開眼即見愁不如閉戶眠往尋孔与周
愧無山中緣雲骨相從不惟當去從爾一焚三千秋

卧東館簡諸友生

抱疾卧東城文墨成久荒翔鴻乍流響時菊忽殞芳
繁陰盡不舒何如殊積傷良儔秉高誼寡昧豈見忘
車馬限泥潦無由接華觴平居歡固難况乃時非康
何以度茲運相勗蹈其常

答張院長雨中見懷

林園寢扉掩閑坐道心生山藥翻寒色塘漪含曉清
乍違枉芳札遠憶愧深情此日知同寐梧牕聽雨聲

春日言懷

暮歸東市門道路聞悲啼駐馬一借問答云征人妻
征人新戰歿飲恨沉黃泥有兒在哺下飢來食無糜
誓言將割慈髮棄去從東西我看巢中燕雖長隨毋飛

皇天仁萬物兼照理弗違此獨何音偶不能與之齊
躊躇去復顧使我心肝摧

施澤阻風

客行阻風濤捨舟步江側荒村經戰餘草木盡愁色
夜投土屋中月出林半黑燃薪燎我衣炊黍作我食
夜長閑塞寒歸夢何由得遙想倚閭親中宵淚橫臆

送張隱君歸耕西山

山中久無人秋風桂枝衰朝逢還山客言趁白雲期
人出君乃遁嗟哉此何時東岡有良田負耒當自治
四体雖云勞歲晏可免飢而來未能返驅車竟何之

過硤石

青山夾長溪，上有魚市土門閉。落日野氣白於水，
肅行車迹外鳥起。鍾聲裏吳語問居人到州還幾里。

懷徐七

哀鴻已鳴渚，落葉初覆陌。故園當授衣，却思遠行客。
客行日已遠，我思日已積。東南望歸棹，鳥去烟波夕。
憂來不成言，滿抱空戚。豈無一尊酒，黃花為誰摘。

四栢

堂前四小栢，羅立二尺長。始栽附南墀，遠移自東岡。
春夏衆草芳，翳沒成久荒。低枝網虫懸，暗葉螻蟻藏。
不沾夕露氣，每隔朝陽光。我病廢多理，覽之屢彷徨。
玄冬戒嚴候，迅風激飛霜。蕪穢忽自除，鬱然露蒼蒼。

恍然羣鳥散，鷓鴣得翱翔。乃知受命正，雖弱自可強。
循步賞勁色，撫攀挹微香。幸得依我居，不羨縱牛羊。
他年培養成，凌雲孰能量。後凋誠足貴，早厄庸可傷。



書